



SAOPĆENJE ZA JAVNOST

Prijetnje medicinskim radnicama Osumnjičeni brzo procesuiran

Tužilaštvo Brčko distrikta BiH podiglo je optužnicu protiv Asmira B. (24)* zbog sumnje da je 22. marta u područnoj ambulanti u brčanskom naselju Rijeke upotrebom pištolja prijetio medicinskim radnicama. Brzom reakcijom istražnih organa u procesuiranju ovog incidenta, Asmir B. optužen je za ugrožavanje sigurnosti prisutnog medicinskog osoblja i doktorice u vezi s vršenjem njene funkcije.

Optužnicom koja je već potvrđena pred Osnovnim sudom u Brčkom, Asmiru B. stavljeno je na teret je 22. marta, oko 12.00 sati, najprije verbalno, a zatim i upotrebom pištolja, prijetio ordinirajućoj doktorici. Nezadovoljan objašnjenjem procedure prema kojoj o produženju njegovog bolovanja jedino može odlučiti nadležna ljekarska komisija, izrevoltirano je počeo lupati rukama po stolu doktorice A.K, bacati inventar po ordinaciji, vikati i psovati. Pošto su na njen zahtjev medicinske sestre pozvale policiju, istrčao je do svog automobila, uzeo sportski pištolj marke *Airsoft Colt*, sličan pravom pištolju, ponovo ušao u ordinaciju i uperio ga iz neposredne blizine doktorici u glavu. Plašeći se za život, A. K. ga je molila da se smiri, no on je i dalje protestovao i mahao oružjem da bi, očekujući dolazak policije, konačno ispustio pištolj i pobjegao iz ambulate. Postupak Asmira B. izazvao je zaprepaštenje, uznemirenost i strah za život, ne samo kod A.K, već i kod četiri medicinske radnice, koje nisu mogle znati kakvim im se oružjem prijeti - navodi se u optužnici.

Poslije višerasovne policijske potrage za njim na području Brčkog i Čelića, sam je došao do stanice policije u Brčkom i predao se. Brzom reakcijom organa gonjenja protiv njega je, nakon efikasno sprovedene istrage, podignuta optužnica za krivično djelo Ugrožavanje sigurnosti (iz člana 180 stav 2 Krivičnog zakona Brčko distrikta BiH) za koje se može izreći kazna zatvora od tri mjeseca do pet godina. *Optuženi je ugrozio sigurnost više osoba ozbiljnom prijetnjom da će ih lišiti života i teško tjelesno povrijediti, a to je istovremeno učinio i prema službenoj osobi u vezi s vršenjem njene funkcije - zaključuje se u optužnici koja je dostavljena Osnovnom sudu na daljnji postupak.*

*Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

Tužilaštvo Brčko distrikta Bosne i Hercegovine 7.4.2022. godine

**GLAVNI TUŽILAC
ZEKERIJA MUJCANOVIĆ**